

Directivas per retrer il Pass Medelin



1. Finamira

La finamira dil Pass Medelin ei da promover l'attractivitat da viver en nosa vischnaunca cun sustener activitads sportivas, culturalas sco era la mobilitad cul traffic public.

2. Dretg da retratga

Il dretg da retrer il Pass Medelin han tut las habitontas ed ils habitonts dalla vischnaunca da Medel/Lucmagn cun domicil civil e da taglia en la vischnaunca da Medel/Lucmagn.

3. Fuorma da retratga

Il Pass Medelin sto vegnir retratgs cul formular uffical. Quel ei d'anflar sin la pagina d'internet www.medel.ch ni sa era vegnir retratgs tier l'administraziun communal.

Per onn calendar (01.01. – 31.12.) astga vegnir inoltrau mo in formular per persuna. Il datum da cumpra dallas purschidas sto esser egl onn dalla damonda pil Pass Medelin.

Il formular ensemen cun las quittanzas corrispundentas ei d'inoltrar all'administraziun communal tochen sil pli tard ils 31.12. digl onn current.

4. Validitad dil Pass Medelin

Il Pass Medelin vala per:

- abonnaments e cuors da sport
- abonnaments e cuors da cultura
- abonnaments dil temps liber
- abonnaments da mieds da transport publics
- cartas d'entrada da min. 10 ga

Negina validitad ha il Pass Medelin per patentas ni activitads cun avantatgs materials sco patentas da catscha e pesca, patentas da cavar cristallas ni lavar aur etc.

Davart cass dispoteivels decida la suprastanza communal.

Tier surdiever dil Pass Medelin vegn il petent exclud dalla retratga.

5. Summa da retratga

La vischnaunca da Medel/Lucmagn restituescha **70 %** dils cuosts tenor punct 4 **tochen maximal fr. 500.—**.

Las purschidas tenor punct 4 san vegnir cumuladas.

6. Cuoz

Abonnaments ston haver in cuoz minimal d'in meins, cartas d'entrada da min. 10 ga.

Il dretg da retratga vala mo per abonnaments ni cartas ch'ein tschentai ora sil num persunal dil petent.

7. Entrada en vigor

Las directivas san vegnir midadas annualmein dalla suprastanza communal sin l'entschatta digl onn.

Questas directivas ein vegnidas approbadas dalla suprastanza communal ils 10-02-2026 e passan retroactivamein en vigor cun ils 01-01- 2026.

Il president:


Claudio Simonet



Igl actuar:


Flavio Giger